

Von allerhand Arhney/



lang der Geruch dar
rinn schmeckt.

Die blumen gebeysst
in Wein/ vnd den ge
distilliert / im Mund
gehalten / behütet für
dem Schlag.

Lafander Wasser.

Kraut vnd blumen
vnder einander ge
hacht/ brenne es im
Brachmonat / ist gut
für den Schwindel/
das Haupte damit be
strichen.

Auch zwey loth ge
truncken / ist gut für

den Krampff / kalte Seich / für schlaffende Glieder/
für zittern der Händ. So einer von dem Schlag trofs
fen auff der zungen/nicht reden köndte/ der trincke des
Wassers drey Loth / bringet die Sprach wider. Gut
für das Zanwehe im Mund gehalten / fürs Essen im
Munde/darmit gewaschen. Ist auch nichts gewiss
fers für die Lähme der Glieder/die damit gewaschen.

Garb.

GArben seind zweyerley/die Männliche wächst
hoch mit weissen Häuptern/die Fräwliche blei
bet klein / genant Schaffgarb / nimpt groß
Zanwehe von Hitz/ mit Butter gebeysst/ vnd
auff die Backen gelegt. Wer mit noth harnet / der
trincke Garb mit Essig/ darüber getruncken/ ist gut
für



für den Stein / heilet
auch bald alte Wun-
den / faule Schäden/
mit andern Wund-
kräuttern verplastes
ret.

Garb Wasser.

Das Kraut vnd
Stengel mit einander
gehacket im Ende des
Meyens. Morgens
nüchtern getruncken
vier Loth / vnd damit
das Herz / vnd das
Grüblin / da des Mas-
gens Mund steht ges-
salbet / erwärmet
den erkaltten Magen.

Auch getruncken / benimpt die Spülwärm im Bauch/
vnd wer sein Farb verlohren hette / von übrigem blu-
ten / heilet auch Wunden / Abends vnd Morgens dars
mit gewäschen.

Majoran.

Majoran ist heiß vnd trucken im dritten Grad.
Hat grosse Krafft zu wärmen die innerlichen
Glieder / weicht auch das Miltz / vnd nimpt
die Geschwulst davon. Gesotten vnd getrun-
cken / nimpt hin die Wassersucht / macht wol Harnen
wärmet den Magen / macht wol Däwen / nimpt dars
mit die Schwindsucht. In Laug gesotten vnd ge-
zwagen / benimpt groß Hauptwehe / vnd Fantasey /
gut dem Hirn / nimpt Verstopffung der Glieder / den
Tropff / vnd Fallendsucht. Aber in Wasser gesotten
den Dampf vnden auff gelassen / reiniget die Mutter.

Majoran